

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

« 7 » նոյեմբերի 2014թ.

N 732-Ն

ք. Ստեփանակերտ

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
2014 ԹՎԱԿԱՆԻ ՄԱՅԻՄԻ 27-Ի N 334-Ն ՈՐՈՇՄԱՆ ՄԵՋ
ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

«Իրավական ակտերի մասին» Լեռնային Ղարաբաղի Հանրապետության օրենքի 71-րդ հոդվածին համապատասխան՝ Լեռնային Ղարաբաղի Հանրապետության կառավարությունը *որոշում է*.

Լեռնային Ղարաբաղի Հանրապետության կառավարության 2014 թվականի մայիսի 27-ի «Լեռնային Ղարաբաղի Հանրապետության Մարտունու շրջանի Վերին Ենթաշրջանի գյուղատնտեսական զարգացման 2014 թվականի ծրագիրը հաստատելու մասին» N 334-Ն որոշման մեջ կատարել հետևյալ լրացումները և փոփոխությունը՝

- 1) վերնագիրը և 1-ին կետը «Ենթաշրջանի» բառից հետո լրացնել «համայնքների Բերդաշեն համայնքի» բառերով.
- 2) հավելվածը շարադրել հետևյալ խմբագրությամբ՝ համաձայն հավելվածի:

ԼԵՌՆԱՅԻՆ ՂԱՐԱԲԱՂԻ
ՀԱՆՐԱՊԵՏՈՒԹՅԱՆ ՎԱՐՉԱՊԵՏ

Ա. ՀԱՐՈՒԹՅՈՒՆՅԱՆ

Հավելված
Լեռնային Ղարաբաղի
Հանրապետության կառավարության
2014 թվականի նոյեմբերի 7-ի
N 732-Ա որոշման

«Հավելված
Լեռնային Ղարաբաղի
Հանրապետության կառավարության
2014 թվականի մայիսի 27-ի
N 334-Ա որոշման

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅՈՒՆ**

Ծ Ր Ա Գ Ի Ր

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՍԱՐՏՈՒՆՈՒ ՇՐՋԱՆԻ ՎԵՐԻՆ
ԵՆԹԱՇՐՋԱՆԻ ՀԱՄԱՅՆՔՆԵՐԻ ԵՎ ԲԵՐԴԱՇԵՆ ՀԱՄԱՅՆՔԻ
ԳՅՈՒՂԱՏՆՏԵՍՈՒԹՅԱՆ ԶԱՐԳԱՑՄԱՆ 2014 ԹՎԱԿԱՆԻ**

ՍՏԵՓԱՆԱԿԵՐՏ-2014 ԹՎԱԿԱՆ

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ

- I. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ
- II. ԾՐԱԳՐԻ ԻՐԱԿԱՆԱՑՄԱՆՆ ՈՒՂՂՎԱԾ ՄԻՋՈՑԱՌՈՒՄՆԵՐԸ
- III. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

ՆԵՐԱԾՈՒԹՅՈՒՆ

Լեռնային Ղարաբաղի Հանրապետության Մարտունու շրջանի Վերին Ենթաշրջանը ընդգրկում է Աշան, Ավդուռ, Եմիշճան, Թաղավարդ, Խերխան, Ծովատեղ, Կաղարծի, Կոլխոզաշեն, Մյուրիշեն, Մամնա, Մուշկապատ, Ննգի, Շեխեր, Պառավաթումբ համայնքները, որոնց հեռավորությունը մայրաքաղաք Ստեփանակերտից տատանվում է 17-56 կիլոմետրի սահմաններում, իսկ Մարտունի շրջկենտրոնից՝ 16-45 կիլոմետրի սահմաններում: Բերդաշեն համայնքը գտնվում է Մարտունու շրջանի հարավ-արևելյան մասում, հեռավորությունը մայրաքաղաք Ստեփանակերտից կազմում է 45 կիլոմետր, Մարտունի շրջկենտրոնից՝ 25 կիլոմետր:

Մարտունու շրջանի Վերին Ենթաշրջանի համայնքների և Բերդաշեն համայնքի համաչափ զարգացումը մեծապես պայմանավորված է այդ համայնքների գյուղատնտեսության զարգացմամբ, քանի որ ներկայումս և տեսանելի հեռանկարում այս Ենթաշրջանի բնակչության մեծ մասի կենսամակարդակի բարձրացման աղբյուր են լինելու այն եկամուտները, որոնք ստացվում են գյուղատնտեսական արտադրությունից և գյուղատնտեսության բնագավառում վարձու աշխատանքից՝ հաշվի առնելով Ենթաշրջանում առկա հողային, աշխատանքային, տեխնիկական ռեսուրսների առկայությունը:

Սույն ծրագրով ներկայացվում են Մարտունու շրջանի Վերին Ենթաշրջանի համայնքների և Բերդաշեն համայնքի գյուղատնտեսության զարգացման 2014 թվականին իրականացվելիք միջոցառումները և ակնկալվող արդյունքները:

Մարտունու շրջանի Վերին Ենթաշրջանի համայնքների և Բերդաշեն համայնքի գյուղատնտեսության զարգացման ծրագիրը նպատակաուղղված է Վերին Ենթաշրջանի համայնքներում և Բերդաշեն համայնքում հիմնական միջոցների ստեղծմանը և հետագա զարգացման համար նախադրյալների ապահովմանը:

I. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ

Նպատակը.

Մարտունու շրջանի Վերին Ենթաշրջանի համայնքներում և Բերդաշեն համայնքում առկա հողային, աշխատանքային, տեխնիկական ռեսուրսների արդյունավետ օգտագործման արդյունքում ստեղծել բնակչության կենսապայմանների աստիճանական բարելավման, բնակչության արտահոսքի մեղմման և կանխման, արժանավայել ու անվտանգ ապրելու և բարիքներ ստեղծելու համար անհրաժեշտ նախադրյալներ:

Խնդիրները.

1. Գյուղատնտեսության ճյուղերի համաչափ զարգացման համար անհրաժեշտ պայմանների ստեղծում:

2. Առկա գյուղատնտեսական նշանակության հողերի լիարժեք օգտագործման և հողերի վիճակի բարելավման համար հնարավորությունների ստեղծում:

3. Բնակչության աշխատունակ հատվածի համար լիարժեք զբաղվածության ապահովում:

4. Գյուղական ենթակառուցվածքների բարելավում:

II. ԾՐԱԳՐԻ ԻՐԱԿԱՆԱՑՄԱՆՆ ՈՒՂՂՎԱԾ ՄԻՋՈՑԱՌՈՒՄՆԵՐԸ

Մարտունու շրջանի Վերին ենթաշրջանի համայնքներում և Բերդաշեն համայնքում կատարած ուսումնասիրությունները ցույց են տալիս, որ համայնքների զարգացման նպատակով 2014 թվականին անհրաժեշտ է իրականացնել կերային բազմամյա խոտաբույսերի մշակություն (կորնզան, առվույտ):

Բազմամյա կերային մշակաբույսերի տարածքների ընդլայնումը կարևորվում է ինչպես անասունների համար կերային բազայի ապահովման, այնպես էլ ցանքատարածությունների կառուցվածքի բարելավման տեսանկյունից: Ծրագրով նախատեսվում է բազմամյա խոտաբույսերի 370 հեկտար տարածքի մշակության համար հատկացնել 25 900 000 ՀՀ դրամ: Նշված ֆինանսական միջոցները կտրամադրվեն բազմամյա խոտաբույսերի տակ նախատեսված տարածքների մշակության համար՝ (հերկ, կրկնահերկ, կուլտիվացիա, ցանք, դիզվառելիքի ձեռք բերում, տրանսպորտային ծախսեր) անհատույց՝ Լեռնային Ղարաբաղի հանրապետության գյուղի և գյուղատնտեսության աջակցության հիմնադրամի միջոցով՝ շրջանի վարչակազմի կողմից ներկայացված համապատասխան հայտի հիման վրա, իսկ միջոցառման իրականացման համար համապատասխան քանակությամբ սերմացուն հողօգտագործողներին կտրամադրվի վարկի տեսքով՝ արժեքի 50% սուբսիդավորմամբ:

2014 թվականին Մարտունու շրջանի Վերին ենթաշրջանի համայնքներում և Բերդաշեն համայնքում գյուղատնտեսության զարգացման ծրագրի իրագործման համար պահանջվող ներդրումները

Հ/հ	Համայնքը	Նախատեսվում է ցանքս (հեկտար)	Տրամադրվող ֆինանսական միջոցներ (ՀՀ դրամ)		
			Պահանջվող դիզվառելիքի գումարը	Գյուղտնտեսության վարձավճար և տրանսպորտային ծախսեր	Ընդամենը համայնքում
1	Աշան	30	1050000	1050000	2100000
2	Ավդուռ	10	350000	350000	700000
3	Բերդաշեն	150	5250000	5250000	10500000
4	Եմիշճան	5	175000	175000	350000
5	Թաղավարդ	34	1190000	1190000	2380000
6	Խերխան	20	700000	700000	1400000
7	Ծովատեղ	9	315000	315000	630000
8	Կաղարծի	8	280000	280000	560000
9	Կոլխոզաշեն	4	140000	140000	280000
10	Մյուրիշեն	5	175000	175000	350000
11	Մամնա	14	490000	490000	980000
12	Մուշկապատ	16	560000	560000	1120000
13	Ննզի	25	875000	875000	1750000
14	Շեխեր	22	770000	770000	1540000
15	Պառավաթումբ	18	630000	630000	1260000
Ընդամենը		370	12950000	12950000	25900000

**Մարտունու շրջանի Վերին ենթաշրջանի համայնքներում և Բերդաշեն համայնքում
գյուղատնտեսության զարգացման ծրագրի իրագործման համար
2014 թվականին պահանջվող ներդրումները**

/հազար դրամ/

Հ/հ	Ներդրումների նպատակը	2014 թվական	այդ թվում՝ ըստ եռամսյակների			
			1-ին	2-րդ	3-րդ	4-րդ
1.	Կերային բազմամյա խոտաբույսերի մշակություն	25 900 000			25 900 000	

III. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

Համապատասխան ներդրումներ կատարելու դեպքում սույն ծրագրի իրականացումից ակնկալվում է Մարտունու շրջանի Վերին ենթաշրջանի համայնքներում և Բերդաշեն համայնքում գյուղատնտեսական ոլորտի զարգացման առաջընթաց, որն առաջիկա տարիներին կդրսևորվի հետևյալ արդյունքներով՝

1) դրական տեղաշարժեր կլինեն բուսաբուծության և անասնաբուծության ներձյուղային կառուցվածքում. կավելանա կերային մշակաբույսերի տարածքները, կաթի և մսի համախառն արտադրությունը,

2) կերային մշակաբույսերի մշակությունը դրական ազդեցություն կունենա գյուղատնտեսական հողատեսքերի բերրիության բարձրացման վրա: Այն, որպես ցանքաշրջանառության կարևոր օղակ, կնպաստի դաշտերի մոլախոտերից մաքրմանը, հողի կառուցվածքի բարելավմանը և ազոտով հարստացմանը, կբարձրանա նրանից հետո մշակվող կուլտուրաների բերքատվությունը,

3) անասնազլխաքանակի ավելացման արդյունքում կբարձրանա բնական կերահանդակների օգտագործման մակարդակը,

4) տեղական արտադրության հաշվին կբարձրանա անասնաբուծական մթերքներով ապահովվածության մակարդակը,

5) բուսաբուծական և անասնաբուծական մթերքների արտադրության ծավալների ավելացումը կնպաստի վերամշակման ճյուղի զարգացմանը,

6) գյուղատնտեսության ոլորտի գործունեության արդյունքում կբարձրանա բնակչության զբաղվածության մակարդակը, կավելանան եկամուտները:

Իրականացվող ներդրումների հաշվին կկատարվի 370 հեկտար բազմամյա կերային խոտաբույսերի ցանքս, որից հետագա տարիներին կապահովվի միջինը 1900-2100 տոննա համախառն բերք՝ տարվա կտրվածքով, 1 տոննայի միջին արժեքը կազմում է 35 000 ՀՀ դրամ: Ստացված բերքը որպես կեր օգտագործումից կստացվի միջին հաշվով 100 տոննա միս՝ կենդանի քաշով, որի ընդհանուր արժեքը կկազմի 90 000 000 ՀՀ դրամ:»:

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ ՂԵԿԱՎԱՐ**

Լ.ԳՐԻԳՈՐՅԱՆ

